

“Жисмоний шахс томонидан электрон оферта асосида қўйиладиган
миллий валютадаги “Onlayn-navro’z” муддатли банк омонати
бўйича операцияларни амалга ошириш тартиби”га
ИЛОВА

ЭЛЕКТРОН ОФЕРТА

“Трастбанк” хусусий акциядорлик банкининг филиали (кейинги ўринларда – Банк), бир томондан, ва Банк томонидан муомалага чиқарилган банк картасининг эгаси бўлган ҳамда қуидида таклиф қилинаётган шартларни тўлалигича ва сўзсиз қабул қилишини электрон шаклда акцептлаш орқали билдирган жисмоний шахс (кейинги ўринларда – Омонатчи), иккинчи томондан, қуидагилар тўғрисида мазкур Электрон офертани туздик.

1-§. Электрон оферта предмети

1. Омонатчи Электрон офертани акцептлагандан сўнг, ўзининг банк картаси маҳсус ҳисобварагидаги пул маблағини «TRUSTPAY» мобиль-иловаси воситасида “Onlayn-navro’z” муддатли банк омонатига (кейинги ўринларда – оферта омонати) ўтказади.

2. Банк Электрон офертага асосан Омонатчи томонидан ўтказилган пул маблағини оферта омонатига қабул қиласи, унга фоиз ҳисоблайди ва муддати тугаганда уни қайтаради ҳамда Омонатчининг мазкур омонат ҳисобварагини масофадан туриб бошқаришига рухсат беради.

2-§. Оферта омонати шартлари

3. Оферта омонатининг минимал миқдори 500000 (беш юз минг) сўм.

4. Оферта омонати биринчи бадал киритилган кундан бошлаб 13 ой муддатга қабул қилинади.

5. Оферта омонатининг фоиз ставкаси йиллик 20%. (*“TrustPay” мобиль-иловасига жойлаштирилган электрон офертада омонатнинг амалдаги фоиз ставкаси кўрсатилган бўлади*).

6. Жалб қилинган оферта омонати бўйича фоиз ставкаси унинг муддати тугагунга қадар ўзгармайди.

7. Оферта омонати бўйича фоиз ушбу омонат Банкка қабул қилинган куннинг кейинги санасидан бошлаб оферта омонатини Омонатчига қайтариладиган кунгача ҳисобланади.

Омонатчининг оферта омонати ҳисобвараги хатланганлиги оқибатида Банк оферта омонатидаги пул маблағидан фойдалана олмаган давр учун фоиз ҳисобланмайди.

8. Оферта омонати бўйича ҳисобланган фоиз хар ойда Омонатчининг талаб қилиб олингунча сақланадиган омонат ҳисобварагига (20206000) автомат тарзда ўтказиб берилади.

9. Омонатчи оферта омонатини муддати тугамасдан қайтармоқчи бўлса, у бу ҳақда Банкни омонатни олишни мўлжаллаган санадан камида бир ой олдин огоҳлантиради. Бунда Электрон офертанинг амал қилиши тўхтатилади, оферта омонати муддатидан олдин қайтарилади, ҳисобланган фоиз бекор қилинади ва тўланмайди. Оферта омонати муддати давомида фоиз тўланган бўлса, у оферта омонати маблағидан ушлаб қолинади.

10. Оферта омонатининг муддати тугагандан сўнг оферта омонатидаги маблағ, уни Омонатчининг талаб қилиб олингунча сақланадиган омонат ҳисобварагига (20206000) автомат тарзда ўтказиш орқали, Омонатчига қайтарилади.

3-§. Томонларнинг хуқуқ ва мажбуриятлари

11. Омонатчининг хуқуклари:

а) ушбу Электрон офертани акцептлаш бўйича мустақил қарор қабул қилиш;

б) мазкур Электрон оферта шартлари доирасида оферта омонатини мустақил

тасарруф этиш ва масофадан туриб бошқариш.

12. Омонатчининг мажбуриятлари:

- а) ушбу Электрон оферта шартлари билан танишиш;
- б) оферта омонати хисобварағи очиш учун Банк томонидан муомалага чиқарилган банк картаси эгаси бўлиш;
- в) банк картаси маҳсус ҳисобварағида оферта омонати очиш учун етарли миқдорда пул маблағига эга бўлиш;
- г) «TRUSTPAY» мобиль-иловасида оферта омонати ҳисобварағи очиш учун зарур барча амалиётларни кетма-кетликда амалга ошириш;
- д) оферта омонати ҳисобварағидан амалиётларни амалга ошириш жараёнида «TRUSTPAY» мобиль-иловасидаги узилишлар ёки техник носозликлар хақида Банкка телефон орқали хабар бериш;
- е) «TRUSTPAY» мобиль-иловасига кириш учун берилган логин, пароль ва PIN кодни учинчи шахсга ошкор қилмаслик.

13. Банкнинг ҳукуқлари:

- а) Омонатчининг талабига кўра оферта омонати муддати тугамасдан қайтарилиганда, оферта омонати муддати давомида тўланган фоиз бўлса, уни оферта омонати маблағидан ушлаб қолиш;
- б) Омонатчининг оферта омонати ҳисобварағи Ўзбекистон Республикаси қонун хужжатларида белгиланган тартибда хатланганда, ушбу ҳисобварақ орқали чиқим амалиётларини бажаришни тўхтатиш.

14. Банкнинг мажбуриятлари:

- а) оферта омонати шартларини Банкнинг расмий веб-сайтига киритиш;
- б) Электрон оферта Омонатчи томонидан акцептлангандан сўнг оферта омонати маблағини кирим қилиш ҳамда ушбу омонат бўйича операцияларни қайд этиб бориши мақсадида Омонатчининг номига автоматик тарзда тегишли ҳисобварақларни очиш;
- в) Электрон офертада белгиланган шартлар асосида оферта омонатига фоиз ҳисоблаш ва уни ҳар ойда Омонатчининг талаб қилиб олингунча сақланадиган омонат ҳисобварағига (20206000) автомат тарзда ўтказиб бериш;
- г) Омонатчи оферта омонатини муддати тугамасдан қайтаришни талаб қилганда, оферта омонатини, ушбу Электрон офертанинг 10-бандига мувофиқ, муддатидан олдин қайтариб бериш;
- д) оферта омонатининг муддати тугагандан сўнг оферта омонатидаги маблағни Омонатчининг талаб қилиб олингунча сақланадиган омонат ҳисобварағига (20206000) автомат тарзда ўтказиши орқали Омонатчига қайтариш;
- е) оферта омонатига оид банк сирини ташкил этувчи маълумотлар сир сақланишини таъминлаш;
- ё) Омонатчининг оферта омонати ҳисобварағи бўйича амалиётлар Банк томонидан тўхтатиб қўйилганда, амалиёт тўхтатилган санадан бошлаб кейинги иш кунидан кечиктирмаган ҳолда Омонатчига унинг оферта омонати ҳисобварағига хизмат кўрсатиш тўхтатилганлиги ва унинг сабаби юзасидан хабарнома юбориши;
- ж) Омонатчининг кредит ва микроқарз бўйича қарздорлигини сўндириш учун унинг оферта омонати ҳисобварағидан маблағ Банк томонидан Омонатчининг топшириғисиз ҳисобдан чиқарилганда, маблағ ҳисобдан чиқарилган санадан бошлаб кейинги иш кунидан кечиктирмаган ҳолда Омонатчига унинг оферта омонати ҳисобварағидан қанча миқдордаги маблағ қандай сабабга асосан ва кимнинг фойдасига чиқарилганлигини кўрсатган ҳолда хабарнома юбориши.

5-§. Томонларнинг жавобгарлиги

15. Томонлар мазкур Электрон оферта шартларини бажармаганлиги учун Ўзбекистон Республикаси қонун хужжатларига мувофиқ жавобгарликка тортилади.

6-§. Форс-мажор ҳолатлар

16. Томонлар форс-мажор ҳолатлар амал қилган даврда Электрон оферта бўйича ўз мажбуриятларининг қисман ёки тўлиқ бажарилмаганлиги учун жавоб бермайдилар.

Форс-мажор ҳолатларга куйидагилар киради: табиий ҳодисалар (зилзила, кўчки, довул, қурғоқчилик ва суғурта шартномасида санаб ўтилмаган бошқа табиий ҳодисалар) ёки ижтимоий-иктисодий вазиятлар (харбий харакатлар, иш ташлашлар, камаллар, давлат ташкилотларининг ҳамда давлат ташкилотлари ўртасидаги чекловчи ва тақиқловчи чоралар, шунингдек Ҳукумат қарорлари ва бошқалар) оқибатида келиб чиққан фавқулодда, жорий шароитда бартараф этиб бўлмайдиган ва олдиндан кутилмаган вазиятлар, агар ушбу вазиятлар Электрон офертани бажаришга бевосита таъсир кўрсатган бўлса.

Форс-мажор ҳолатлар юзага келганда ва тўхтаганда томонлар бир-бирини хабардор қиладилар. Хабарнома томонларда мавжуд бўлган барча алоқа воситалари орқали юборилиши мумкин (СМС ва ММС хабарлари бундан мустасно).

Форс-мажор ҳолатлар юзага келган тақдирда мажбуриятларни бажариш муддатини томонлар форс-мажор ҳолатлар амал қилган даврга мутаносиб тарзда кечикирадилар.

7-§. Бошқа шартлар

17. Омонатчи ўтказган пул маблағи Банкдаги оферта омонати хисобварагига накд пулсиз кўринишида келиб тушган кундан бошлаб Электрон оферта тузилган хисобланади.

18. Мазкур Электрон оферта 14-бандининг “ё” ва “ж” кичик бандларида назарда тутилган хабарномалар Омонатчига _____
(Омонатчи тегишилисини танлайди: шахсан топшириши, почта орқали жўнатиши, электрон почтадан жўнатиши, мобиль телефонига SMS юбориши, мобиль телефонига телеграм канали орқали жўнатиши) орқали топширилади. Омонатчи хабарнома етказиш усулини Банкка шахсан ёки почта орқали ёзма ариза тақдим этиш йўли билан ўзгартириш хуқуқига эга. Бунда Омонатчидан қабул қилинган ариза Банк томонидан унинг оферта омонати хисобвараги бўйича йиғмажилдида сақланади.

Хабарномани Омонатчига етказиш усули ўзгарганлиги муносабати билан мазкур Шартномага ўзгартириш киритиш талаб этилмайди.

19. Банк мазкур Электрон оферта шартларига Омонатчи манфаатига дахл қиладиган ўзгартишларни бир томонлама киритишга ҳақли эмас.

20. Оферта омонатининг қайтарилиши Ўзбекистон Республикасининг “Фуқароларнинг банклардаги омонатларини ҳимоялаш кафолатлари тўғрисида” қонунига мувофиқ кафолатланади.

21. Мазкур Электрон офертада назарда тутилмаган барча ҳолатлар учун Ўзбекистон Республикаси қонун хужжатлари нормалари кўлланилади.

22. Томонлар барча келишмовчилик ва низоларни музокара йўли билан ҳал этади. Музокара натижасида томонлар ўзаро келишувга эриша олмаган тақдирда низо Ўзбекистон Республикаси қонун хужжатларига мувофиқ судда кўриб чиқилади.